

կարէ յապաւիլ դիրապէս: Քայց այս չէ՛ այնքան փոյթ. այլ տակաւին դրամոյ խօսակցութիւնն ոչ բացորոշեցաւ՝ որում էս փափագիմ, զի կարող լինէի միանգամ զգիրքն ընդ դրամոցն յղել առ ձեզ: (Արանսս վրդ. և եպիսկոպոս առ Մեղզունեան, 1761 յունիսի 20. [Կ. Պոլիս]):

միք.

Զաստուածաբանին բանսն ևս իմացայ մանաւանդ վասն երանացուցանելոյ զլուսահոգի հայրն մեր, որ վասն մեր իրաւի մեծ ինչ է, եթէ յաջողեսցի: (Մեղզունեան առ Հ. Մկրտիչ, 1761 օգոստ. 22. [Ս. Ղազար]):

մյ.

Վասն ժամերգութեանց գրեանց, որք աստ յօրինին, ծանիր, զի շարունակ Հ. Վրթանէսն պարապեալ է յայն. և զործն ոչ է թեթև որպէս գիտես. մինչև ցայժմ ժամագիրք և շարականն եղեալ են ամենայն նօթայիւք. այժմ պարապի ի կազմութիւն տօնացուցին և ճաշոցին ի միասին ըստ ժամերգութեան մասին. և այնք ևս մօտ են յեզերիլ. յետ սորա սկսանի զնոյն ճաշոցն ըստ պատարագի մասին որ ևս փութով եզերի, զի ամենայն նօթայի պատկանեալքն նախ եղեալ են ի մասին ժամերգութեան և ի տօնացուցին...: Իմացաք և զբան վիզարութեան քոյ, շնորհաւոր լիցի. ճարեցից ես անձն փոխանակ քոյ այդր, զի դու ազատեալ երթիցես ուղիղ դէպ ի ստամպօլ, բայց մի՛ միայնակ, զի ոչ վայելէ աստիճանիդ նորոյ, այլ տաց քեզ զերկու ընկերս, զՀ. Անտոնն մեծ ի գրագիր սրտապարար, և զՀ. Յովսէփն աւտիթօս քեզ, և զթօմաճանն քեահեայ յաւելից ի վերայ երկուցն: (Մեղզունեան առ Հ. Մկրտիչ, 1761 յեկտ. 5. [Ս. Ղազար]):

մյւ.

Վասն տպագրութեան յովսէպոսի գրքոյն (կարծեմ թէ գրեալ է իմ առ ձեզ) ծանիրք, զի այն դադարեցաւ առ այժմս ի տպագրելոյ. և թէ տպագրեսցի ոչ ևս տպագրի ձեռամբ մերոյ. և թէ յետ ժամանակաց աղաչանք ևս լիցի. ես ոչ առնում յանձն. ուստի ուրախ լերուք, զի այն բեռն բարձաւ ի մէնջ: (Հ. Զարարիս առ Մեղզունեան, 1762 յունվ. 15. [Կ. Պոլիս]):

մյբ.

Յոյնք քաղաքիս հրամանաւ պետաց, իւրեանց եպիսկոպոս ընտրեցին, որ ձեռնադրելի է ի զանդայու ի սանթամաւրայի, և ի քեօրֆուի եպիսկոպոսաց յարքեպիսկոպոսութիւն ի վերայ նոցա. և զիւրոյ եպիսկոպոսութեան հաստատութիւնն առնլոց է ի ստամպօլու պատրիարքէ իւրեանց: (Մեղզունեան առ Հ. Մկրտիչ Անանեանց, 1762 յունվ. 23. [Ս. Ղազար]):

մյգ.

Սառաֆօղու սարգիս վարդապետն, որ երկու ամ է՝ որ ի պալատու ժամն էր և անդ քարոզէր, փոխեցաւ անտի ի խալաթիայ ի ժամն լուսաւորչին կարգաւորմամբ պատրիարգին, բայց պալատցիք դժուարեալ ընդ այս՝ յարուցին աղմուկս ոչ սակաւս. ուստի և պատրիարքն զաւագ երիցու նոցա և զայլոց երկուց երիցանց զարգն տուեալ առաքեաց ի քիւրէկն. և ընդ այս այլ քահանայք և մեծամեծք պալատցոց զժգմնեալ սկսան խոխալ պատրիարքին: (Հ. Զարարիս առ Մեղզունեան. 1762 փետր. 1. [Կ. Պոլիս]):